

Framtíðarsýn þjóðar - Kynning til kennara

Framtíðarsýn þjóðar er samfélagsverkefni sem er ætlað að vekja fólk til umhugsunar um mikilvægi framtíðarsýnar og sameiginleg gildi og markmið þjóðarinnar. Verkefnið er öllum opið, unnið í sjálfboðavinnu, ópólitískt og eign þjóðarinnar.

Víkuna 17. - 24. apríl 2009, fer fram þjóðaráttak um framtíðarsýn Íslands. Aðal markmið verkefnisins er einfalt; að vekja umræðu meðal þjóðarinnar um markmið okkar og framtíðarsýn. Niðurstöðum verkefnisins er ætlað að gefa landsmönnum öllum áður óþekktu sýn á gildi og verðmætamat þjóðarinnar. Verkefnið er stutt af Menntamálaráðuneytinu og verndari þess er Vigdís Finnbogadóttir.

Aðkoma kennara felst í því að koma leiðbeiningablaði til nemenda, svara einföldum spurningum sem börnin gætu haft, og veita verkefninu móttöku að viku liðinni. Markmiðið er að hver fjölskylda ræði markmið sín og gildi, og skili sínu framlagi eða niðurstöðum á vef verkefnisins.

- Kennarar geta nálgast verkefnablað á vefnum framtíðarsyn.is eða fá það afhent frá skólastjóra - á því er að finna leiðbeiningar um verkefnið til nemenda.
- Kennarar afhenda nemendum verkefnið 17. apríl (Ef tafir verða er hægt að afhenda það síðar en verkefnið tekur enda 24. apríl)
- Nemendur vinna verkefnið á tímabilinu 17. -24. apríl með pabba og mömmu, ömmu og afa, frændum og frænkum, hverjum sem vill taka þátt
- Nemendur skila blaðinu inn til kennara í síðasta lagi föstudaginn 24. apríl með staðfestingu foreldra/forráðamanna á að verkefnið hafi verið leyst á netinu.
- Niðurstöður verkefnisins í heild verða öllum opnar og sameiginleg eign þjóðarinnar - engum persónuupplýsingum er safnað um þátttakendur og því engan vegin hægt að tengja einstök svör við einstaka þátttakendur.

Verkefninu sjálfu er lýst náið í blaðinu sem er ætlað nemendum. Í stuttu máli skiptist verkefnið í tvennt: Annars vegar í *umræðu* þar sem fjölskyldan ræðir saman um tvær megin spurningar sem verkefnið byggir á, skráir niður þau orð sem koma upp í hugann í umræðunni. Í síðari hluta verkefnisins skilar fjölskyldan inn sínum niðurstöðum á vef verkefnisins ásamt útskýringum eða því sem fjölskyldan vill deila með þjóðinni um sameiginlega framtíðarsýn.

Spurningarnar tvær sem verkefnið byggir á eru:

- Hvað er þér mikilvægast þegar þú hugsar til framtíðar?
- Hvað finnst þér mikilvægast þegar hugsað er um framtíð þjóðarinnar?

Það er okkar einlæg von að með því að skapa vettvang sem þennan heyrir raddir allra landsmanna í umræðunni um þá framtíð sem þjóðin býr sér.

Með þökkum og ósk um bjarta framtíð,

Hugmyndaráðuneytið